

714.

1431 Oktober 18

Die Stadt verkauft einen Zins.

fol. 130v Census abatis de Phortin 40 gulden ryn(ische). Wyszit das wir von dem erwirdigin hern ern Jacoff, apt czu der Pfortin, uff eyne widirkauff enpfangin habin acht hundert rynischze gulden, darvon wir om jerlichin zu czinsze reichin und gebin sullen 40 rynischze gulden, 20 uff Walpurgis und 20 uf Michaelis, alz denne ym aldin buche geschr(ieben) stehit und der haubtbriff clerlichin uz wieset. Dicz gelt hat dy stad inne und an der stad gebude und fromen gewant, yn der czyt, alz dy huszin dy land obirczogin. Actum anno domini MCCCCXXXI^o in die Luce apud proconsulem ^(a)Burghard Kaldenkuch^{a)} et suorum consedentium.

a-a) am rechten Rand, Einfügestelle gekennzeichnet, ersetzt durchgestrichen Wetterhan

715.

1431 --

Die Stadt verkauft einen Zins.

fol. 130v Census der Pulcze und Jacof Smyden, kalentbrudern zur Sletin 12 ryn(ische) gulden. Wiszit das wir von Hansze Pulcze, Jacoff Smyde hern Jeronimo altaris des nūwin altars czur Sletin sente Johannis apostoli der kalentbrudere uff eyn widirkauff entpfangin und yn genomen habin 100 und 44 rynischze guldin, darvon wir on czu dem gnanten altar iczlich jar czu czinsze reichin und gebin sullen 12 rynischze gulden, halb Walpurgis, halb Michaelis. Das geschrebin gelt hat dy stad inne und an iren nucz geleit. Actum apud proconsulem Burghardum Kaldenkuche et suorum consedentium anno MCCCCXXXI^o. ^(a)Und uber 12 gulden. Auch habin wir uff den selbigin kauf enpfangin 10 β 8 gr das 15 guldin vor 1 kumpt apud Lasanum proconsulem.^{a)}

a-a) Zusatz

716.

1431 Oktober 18

Die Stadt verkauft einen Zins.

fol. 131r Bruderschaft czur Lesznicz sechz rinischze guldin. ^(a)Wyszit das wir mit rathe unser eldistin vorkauft haben den vorstehern der bruderschaft des heyligin lichnamps von der Lesznicz sechz rynischze gulden czu bezalen